

## **SAMÞYKKTIR OG ÞINGSKÖP**



**SAMTÖK SVEITARFÉLAGA Á NORÐURLANDI VESTRA**

## SAMÞYKKTIR FYRIR SSNV

### MARKMIÐ OG HLUTVERK

#### 1.1

Samtökin nefnast Samtök sveitarfélaga á Norðurlandi vestra, skammstafað SSNV. Starfssvæði samtakanna afmarkast af sveitarfélagamörkum allra sveitarfélaga á Norðurlandi vestra, allt frá Almenningssnöf í austri að Stíkuhálsi milli Bitru og Hrútafjarðar í vestri. Heimili og varnarþing samtakanna er á skrifstofu SSNV á Hvammstanga.

Öll sveitarfélög á Norðurlandi vestra eru aðilar að SSNV. Verði breyting á sveitarfélagamörkum og nöfnum sveitarfélaga með sameiningu sveitarfélaga halda hin sameinuðu sveitarfélög aðild að SSNV án sérstaks uppgjörs eða meðhöndlunar sem um úrsögn væri að ræða. Um úrsögn gildir gr. 7.1 þessara samþykktu. Óski sveitarfélag /sveitarfélög utan starfssvæðis eftir inngöngu er það ekki heimilt nema með samþykki allra aðildarsveitarfélaga SSNV.

#### 1.2

SSNV eru landshlutasamtök sveitarfélaga á Norðurlandi vestra og starfa með tilvísun til 97. greinar sveitarstjórnlagar nr. 138/2011.

Hlutverk samtakanna er að vinna að verkefnum sem sveitarfélöginn eða löggjafinn fela þeim og hafa samvinnu um tiltekna málaflokka á grundvelli samninga við ríkið. Megin áhersla verði lögð á eftirfarandi verkefni:

1. Greiningu varðandi sameiginleg hagsmunamál aðildarsveitarfélaganna, þingmál og aðrar stefnumarkandi áætlanir ríkisins og stefnumótun um sóknaráætlun og önnur verkefni sem stjórnvöld fela samtökunum sbr. gildandi lög og reglugerðir hverju sinni.
2. Hagsmunagæslu um sameiginleg hagsmunamál aðildarsveitarfélaganna, um mál skv. ákvörðunum þinga og mál sem falla að samþykktum SSNV.
3. Þjónustuhlutverk varðandi sameiginleg verkefni aðildarsveitarfélaganna.
4. Stuðla að samvinnu og auka þekkingu sveitarstjórnarmanna á starfssvæðinu.

Markmið samtakanna eru;

- að efla samvinnu sveitarfélaga og auka þekkingu sveitarstjórnarmanna á verkefnum sveitarstjórnar,
- að vinna að hverjum þeim verkefnum sem aðildarsveitarfélög eða löggjafinn kunna að fela þeim,
- að styrkja stöðu aðildarsveitarfélaganna á landsvísu,
- að stuðla að efplingu atvinnulífs á Norðurlandi vestra.

SSNV skal starfa í samvinnu við önnur landshlutasamtök sveitarfélaga, Samband íslenskra sveitarfélaga og aðra aðila eftir því sem hagsmunir bjóða hverju sinni og við verður komið.

Stjórn SSNV getur með samþykki aðildarsveitarfélaga stofnað til byggðasamlags eða annars rekstrar með öðrum landshlutasamtökum um verkefni sem ná út fyrir starfssvæði samtakanna.

### UM ÞING SSNV

#### 2.1

Ársþing SSNV fer með æðsta vald í málefnum samtakanna. Þingið skal haldið að vori, fyrir lok aprílmánaðar ár hvert. Það ár sem sveitarstjórnarkosningar fara fram skal haldið aukaársþing sem fyrst að afloknum kosningum, eigi síðar en 15. júlí, þar sem fram fer kjör nýrrar stjórnar ásamt kynningu á starfsemi samtakanna fyrir nýja sveitarstjórnarmenn. Hefur aukaársþing sama umboð og ársþing. Ársþing hverju sinni ákveður næsta þingstað og skulu þing haldin sem víðast á starfssvæðinu.

Stjórn SSNV skal halda haustþing um hagsmunamál sveitarfélaganna á Norðurlandi vestra í októbermánuði ár hvert. Stjórn SSNV er heimilt að bjóða til haustþingsins aðilum sem tengjast umfjöllun og starfi sambandsins, með málfrelsi og tillögurétt. Haustþingið getur ályktað um þau mál sem borin eru þar upp og ræður afl atkvæða niðurstöðu máls.

## **Samþykktir og þingskör SSNV**

---

Á haustþingi skal leggja fram fjárhagsáætlun, þ.m.t. ákvörðun um árgjöld, og starfsáætlun samtakanna fyrir komandi ár.

Kosning formanns, stjórnar, varastjórnar, endurskoðanda og fastanefnda fer eftir ákvæðum í gr. 2.5.

### **2.2**

Aukaþing skal boða ef þörf krefur að mati stjórnar eða ef a.m.k. tvö aðildarsveitarfélög óska þess. Aukaþing skal boðað skriflega með a.m.k. tveggja vikna fyrirvara og skal fundarefnni tilgreint. Aukaþing skal haldið innan tveggja mánaða frá því beiðni um það barst.

### **2.3**

Stjórn SSNV boðar til ársþings og haustþings með a.m.k. fjögurra vikna fyrirvara. Stjórn sendir sveitarfélögum og þingfulltrúum skriflega tilkynningu með ákvörðun um þingtíma og þingstað.

Boða skal til aukaársþings að afloknum sveitarstjórnarkosningum sbr. gr. 2.1. Boðun til þess þings skal berast nýkjörnum sveitarstjórnum með a.m.k. tveggja vikna fyrirvara.

### **2.4**

Stjórn SSNV semur dagskrá árs- og haustþinga. Dagskrá ársþings skal send þingfulltrúum eigi síðar en tveimur vikum fyrir ársþing, ásamt ársreikningi, tillögum að ályktunum og öðrum erindum sem stjórnin leggur fyrir þingið. Dagskrá haustþings skal send þingfulltrúum eigi síðar en tveimur vikum fyrir haustþing, ásamt tillögum að fjárhagsáætlun komandi reikningsárs, tillögum að ályktunum og öðrum erindum sem stjórnin leggur fyrir þingið.

### **2.5**

Á ársþingi skuli tekin fyrir þessi mál;

- skýrla stjórnar og starfsmanna um starfsemi rekstrareininga sem SSNV ber ábyrgð á,
- afgreiðsla ársreikninga ásamt skýrslu endurskoðanda um þær rekstrareiningar sem SSNV ber ábyrgð á,
- laun og þóknun til stjórnar og nefnda,
- ákvörðun um fundarstað næsta ársþings,
- önnur löglega fram borin mál.

Á aukaársþingi að afloknum sveitarstjórnarkosningum skal fara fram;

- kosning formanns
- kosning fjögurra manna í aðalstjórn
- kosning fimm manna í varastjórn

Á fyrsta haustþingi að afloknum sveitarstjórnarkosningum skal fara fram:

- kosning endurskoðanda
- kosning í fastanefndir
  - a) Endurskoðunarnefnd sem annast undirbúning og eftirlit með reikningsskilum skv. starfsreglum sem ársþing setur.
  - b) Úthlutunarnefnd og fagráð Uppbyggingarsjóðs Norðurlands vestra sem hafa það hlutverk að leggja mat á og úthluta styrkjum úr sjóðnum skv. starfsreglum sem ársþing setur.

Á ársþingi á miðju kjörtímabili skal auk hefðbundinnar dagskrár fara fram;

- kosning formanns
- kosning fjögurra manna í aðalstjórn
- kosning fimm manna í varastjórn
- kosning endurskoðanda
- kosning í fastanefndir
  - c) Endurskoðunarnefnd sem annast undirbúning og eftirlit með reikningsskilum skv. starfsreglum sem ársþing setur.
  - d) Úthlutunarnefnd og fagráð Uppbyggingarsjóðs Norðurlands vestra sem hafa það hlutverk að leggja mat á og úthluta styrkjum úr sjóðnum skv. starfsreglum sem ársþing setur.

Að öðru leyti er heimilt að haga þingstörfum á þann veg að þjóni tilgangi þingsins og dagskrárefni sem best, t.d. með því að hafa hluta þingsins í formi vinnufundar, kjósa sérstakar starfsnefndir utan hinna föstu starfsnefnda þingsins, o.s.frv.

### 2.6

Þing eru lögmæt ef löglega er til þeirra boðað og 2/3 kjörinna þingfulltrúa eru mættir.

### 2.7

Nánar skal kveðið á um starfshætti ársþingsins í þingskópum þess. Þingskör ársþings skulu gilda um önnur þing eftir því sem við á.

## UM KOSNINGAR TIL ÞINGA SSNV

### 3.1

Á þingum SSNV eiga sæti fulltrúar sveitarfélaganna, sem hér segir: Einn fulltrúi fyrir hvert sveitarfélag á starfssvæðinu, auk eins fulltrúa fyrir hverja byrjaða 400 íbúa í sveitarfélagini. Miða skal við íbúafjölda sveitarfélags þann 1. janúar á því ári sem þing er haldið.

### 3.2

Að afloknum sveitarstjórnarkosningum skulu sveitarstjórnir kjósa fulltrúa á þing SSNV. Kjörgengir eru aðal- og varamenn í sveitarstjórnum og framkvæmdastjórar sveitarfélaga. Um kosningu fulltrúa fer eftir ákvæðum sveitarstjórnarlaga og skulu sveitarstjórnir leitast við að hafa sem jafnastan fjöldu karla og kvenna, sbr. 15. grein laga nr. 10/2008.

Framkvæmdastjórar sveitarfélaga eiga seturétt á þingum SSNV með málfrelni og tillögurétt.

### 3.3

Sveitarstjórnir skulu tilkynna stjórn SSNV nöfn kjörinna þingfulltrúa, aðal- og varamanna fyrir 1. mars ár hvert vegna ársþings, fyrir 1. júlí vegna aukaársþings að afloknum sveitarstjórnarkosningum og fyrir 1. september ár hvert vegna haustþings.

### 3.4

Komi í ljós að hvorki aðalfulltrúi né varafulltrúi geta setið þing, er sveitarstjórn heimilt að tilnefna annan fulltrúa til setu á viðkomandi þingi, með sömu réttindum og kjörnir fulltrúar.

### 3.5

Alþingismenn úr Norðvesturkjördæmi hafa rétt til setu á þingum með heimild til að ávarpa þingið.

### 3.6

Þing SSNV eru opin til áheyrnar kjörnum aðal- og varafulltrúum í sveitarstjórnum, starfsmönnum sveitarfélaga, starfsmönnum SSNV og tengdra verkefna á Norðurlandi vestra.

Stjórn samtakanna er heimilt að bjóða til þings hverju sinni aðilum sem tengjast umfjöllun og starfi samtakanna, með málfrelni og tillögurétti.

## UM KOSNINGAR Á ÞINGUM SSNV

### 4.1

Stjórn SSNV skal skipuð fimm mönum og jafnmögum til vara. Skal hún kosin samkvæmt gr. 2.5. Formaður skal kosinn sérstaklega á sama þingi. Stjórn skiptir með sér verkum að öðru leyti. Formaður getur ekki setið lengur en 4 ár samfleytt.

Kjörgengir til stjórnarkjörs eru þeir sem eru kjörgengir til setu á þingum SSNV. Sá sem kjörinn hefur verið aðalmaður í stjórn þrjú kjörtímabil í röð, þ.e. sex ár, er ekki kjörgengur til stjórnar næstu tvö ár.

Miða skal við að stjórn sé skipuð tveimur fulltrúum úr Skagafirði, tveimur fulltrúum úr A-Hún. og einum fulltrúa úr Húnaþingi vestra. Varastjórn sé skipuð af starfssvæðinu með sama hætti. Kjörtímabil formanns er tvö ár.

Framboð til stjórnar skulu hafa borist kjörnefnd 10 dögum fyrir ársþing/haustþing.

## **Samþykktir og þingskör SSNV**

---

### **4.2**

Ársþing/haustþing SSNV kýs, skv. lið 2.5, endurskoðanda, þrjá fulltrúa í endurskoðunarnefnd, þrjá fulltrúa í úthlutunarfnd, fimm fulltrúa í hvort fagráð Uppbyggingarsjóðs Norðurlands vestra og svo í aðrar nefndir sem þing kann að ákveða. Þegar skipað er í nefndir skal liggja fyrir erindisbréf þar sem fram kemur hlutverk og umboð nefndarinnar ásamt vísan í starfsreglur þar sem það á við.

### **4.3**

Stjórn SSNV kýs fimm manna kjörnefnd eigi síðar en 1. mars ár hvert, sem jafnframt er kjörbréfanefnd ársþings/haustþings.

Fyrir aukaársþing eftir sveitarstjórnakosningar skal kjörnefnd skipuð, eigi síðar en 1. júlí. Skal kjörnefndin vinna að undirbúningi ársþings/haustþings og starfa á þeim í samræmi við starfsreglur um hana og samþykktir SSNV.

### **4.4**

Ef aðalmaður eða varamaður í stjórn eða nefnd fellur frá eða flytur burt úr landshlutanum á kjörtíma sínum, skal á næsta ársþingi kjósa í hans stað fyrir þann tíma sem eftir er af kjörtímanum.

## **UM STJÓRN SSNV OG FRAMKVÆMDASTJÓRA**

### **5.1**

Stjórn SSNV er, ásamt framkvæmdastjóra, málsvari samtakanna milli ársþinga. Engu meiriháttar máli má ráða til lykta án atbeina hennar, nema afgreiðsla þess styðjist við samþykktir þings SSNV. Stjórn tekur til starfa strax að loknu kjöri á aukaársþingi. Um umboð fráfarandi stjórnar að afloknum sveitarstjórnarkosningum og þar til ný stjórn tekur til starfa gilda ákvæði um umboð sveitarstjórnar í 2. mgr. 97. greinar laga um kosningar til sveitarstjórnar númer 5/1998.)

### **5.2**

Stjórn SSNV fer með yfirstjórn á rekstri samtakanna og heldur fundi svo oft sem þurfa þykir. Stjórnin undirbýr mál fyrir þing og leggur m.a. fram endurskoðaða reikninga samtakanna og gerir tillögu um fjárhagsáætlun næsta reikningsárs. Reikningsár samtakanna er almanaksárið.

### **5.3**

Stjórn ræður framkvæmdastjóra og gerir við hann skriflegan ráðningarsamning. Framkvæmdastjóri ræður annað starfsfólk í samráði við stjórn.

### **5.4**

Framkvæmdastjóri er yfirmaður annars starfsliðs samtakanna. Hann skal sjá um að stjórnsýsla samtakanna samræmist lögum, samþykktum og viðeigandi fyrirmælum stjórnar eða ársþings.

Framkvæmdastjóri skal sitja fundi stjórnar. Þar hefur hann málfrelsi, tillögurétt og rétt til bókana en ekki atkvæðisrétt. Hann hefur jafnframt rétt til setu á fundum nefnda og ráða sem starfa á vegum samtakanna nema sérstakar aðstæður hamli því.

Framkvæmdastjóri leggur tillögu að fjárhagsáætlunum fyrir stjórn innan þeirra tímamarka sem sett eru um afgreiðslu þeirra og undirbýr framlagningu fjárhagsáætlunar fyrir haustþing.

Framkvæmdastjóri skal sjá um að fundir stjórnar og nefnda á vegum samtakanna séu vel undirbúnir, m.a. í þeim tilgangi að mál sem þar eru afgreidd séu vel upplýst. Hann sér einnig um að ákvarðanir þær sem teknar eru af hálfu stjórnar og annarra nefnda komist til framkvæmda, hafi stjórn ekki falið það öðrum.

Framkvæmdastjóri er prókúruhafi samtakanna. Honum er heimilt að veita öðrum starfsmanni samtakanna prókúru að fengnu samþykki stjórnar. Prókúruhafar skulu vera fjár síns ráðandi.

Framkvæmdastjóri undirritar skjöl varðandi allar fjárhagslegar skuldbindingar, lántökur og ábyrgðir eða ráðstafanir sem samþykki stjórnar þarf til.

Í fjarveru framkvæmdastjóra er formaður stjórnar staðengill hans nema stjórn hafi gert aðrar ráðstafanir.

### **5.5**

Framkvæmdastjóri skal að jafnaði boða stjórnarfundi í samráði við formann og stilla upp dagskrá stjórnarfunda. Hann boðar einnig til funda í nefndum á vegum samtakanna nema það sé sérstaklega falið öðrum. Telji formaður stjórnar eða nefndar að óeðlilegur dráttur sé á fundarboðun getur hann hlutast til um fundarboðun.

## **UM ÁRGJÖLD OG KOSTNAÐ**

### **6.1**

Haustþing ákveður heildarfjárhæð árgjalda sveitarfélaga við afgreiðslu fjárhagsáætlunar fyrir hvert fjárhagsáætlun. Árgjaldafjárhæð skal skipt á milli sveitarfélaga eftir íbúafjölda miðað við 1. janúar þess árs sem þing er haldið.

### **6.2**

Stjórн ákveður gjalddaga árgjalda og getur lagt fram tillögu um þá samhliða tillögu um fjárhagsáætlun. Dráttarvextir skulu greiddir af vangoldnum árgjöldum frá gjalddaga.

### **6.3**

Kostnaður við stjórн samtakanna, þing, fundarhöld, ferðalög stjórнar og annar sameiginlegur kostnaður greiðist úr sameiginlegum sjóði. Hver sveitarstjórн greiðir ferðakostnað eigin fulltrúa á þing SSNV.

## **UM ÚRSÖGN OG SLIT**

### **7.1**

Kjósi sveitarfélag að hætta þáttöku í SSNV skal viðkomandi sveitarstjórн tilkynna það til stjórнar samtakanna fyrir árslok og verður úrsögnin virk við upphaf reikningsárs að tveimur árum liðnum. Samhliða getur sveitarfélag krafist innlausnar á nettó eignarhlut sínum í samtökunum núvirðisreiknuðum í samræmi við ákvæði samnings skv. 94. gr. sveitarstjórnarlaga.

Ef ósætti rís um úrgöngu sveitarfélags gildir 95. gr. sveitarstjórnarlaga um meðferð málsins.

Hið sama gildir vilji sveitarfélag hætta þáttöku í einstökum samstarfsverkefnum, nema reglur eða samningar um þau kveði á um annað.

### **7.2**

Samtökin verða ekki lögð niður nema löglega boðað ársþing og aukaþing samþykki það með 2/3 hlutum atkvæða. Þingin skulu haldin með a.m.k. tveggja mánaða millibili. Tillaga að félagsslitum skal fylgja fundarboði. Áður en seinna þingið er haldið skal afstaða aðildarsveitarfélaga til félagsslitanna liggja fyrir. Til þess að slit á samtökunum nái fram að ganga þurfa 2/3 hlutar sveitarstjórna aðildarsveitarfélaga að staðfesta þau. Að öðru leyti fer um slit á samtökunum skv. ákvæðum 95. grein sveitarstjórnarlaga nr. 138/2011.

## **UM BREYTINGAR Á SAMÞYKKTUM OG GILDISTÖKU**

### **8.1**

Tillögur til breytinga á samþykktum skulu sendar stjórн samtakanna a.m.k. þemur vikum fyrir ársþing. Tillögur til breytinga skulu fylgja dagskrá boðaðs ársþings, sbr. grein 2.4.

### **8.2**

Breyting á samþykktum telst samþykkt ef 2/3 mættra þingfulltrúa samþykkja hana á lögmætum þingfundum.

### **8.3**

Samþykktum þessum var breytt á ársþingi SSNV þann 5. apríl 2019 og eru svo breyttar frá þeim degi.

## **VIÐAUKAR:**

1. Starfsreglur endurskoðunarnefndar SSNV
2. Starfsreglur kjörnefndar SSNV
3. Starfsreglur úthlutunarnefndar og fagráða Uppbyggingarsjóðs Norðurlands vestra

## ÞINGSKÖP FYRIR SSNV

### 1. gr.

Ársþing SSNV er aðalfundur Samtaka sveitarfélaga á Norðurlandi vestra. Aukaársþing að afloknum sveitarstjórnarkosningum hefur sama umboð og ársþing til kjörs á nýrri stjórn. Haustþing er almennur samstarfsvertvangur sveitarfélaganna innan SSNV.

### 2. gr.

Um rétt til setu á þingunum fer eftir samþykktum SSNV.

### 3. gr.

Þingin skulu haldin samkvæmt samþykktum samtakanna að vori, ársþing fyrir lok apríl ár hvert, aukaársþing fyrir 15. júlí þau ár sem sveitarstjórnarkosningar eru haldnar og að hausti, sbr. grein 2.1. í samþykktum SSNV. Þá er fundarfært er a.m.k. 2/3 þingfulltrúa er mættur. Stjórn semur dagskrá þeirra, heimilt er þingforseta að víkja frá dagskrá.

### 4. gr.

Formaður samtakanna eða annar í umboði hans setur þing. Hann skal gangast fyrir kjöri þingforseta og varaforseta, tveggja ritara og jafn margra til vara.

### 5. gr.

Þingforseti stjórnar fundi og sér um að þingstörf fari fram eftir góðri reglu. Sýni fulltrúi ókurteisi, hefur forseti leyfi til að taka af honum orðið og víta framkomu hans. Þingfulltrúum er skyldt að hlíta úrskurði forseta, þó má skjóta úrskurði hans til þingsins, ef vafi leikur á skilningi á ákvæðum þingskapa.

### 6. gr.

Kjörnefnd kannar rétt þingfulltrúa til setu á þinginu og leggur fram skrá um réttkjörna þingfulltrúa til staðfestingar á þinginu.

Kjörnefnd annast framkvæmd kosninga á ársþingi/haustþingi. Hún leggur fram tillögur um kjör til stjórnar, í fastanefndir og til annarra starfa, sem samþykktir samtakanna mæla fyrir um og þingið felur henni.

Á ársþingi/aukaársþingi, sbr. gr. 2.5 í samþykktum, leggur kjörnefnd fram tillögu um skipan stjórnar SSNV. Hún skal byggja tillögur sínar á þeim framboðum og tilnefningum sem hafa borist en jafnframt þeirri reglu að stjórn skuli skipuð tveimur fulltrúum úr Skagafirði, tveimur fulltrúum úr A-Hún. og einum fulltrúa úr Húnabingi vestra. Komi ekki fram aðrar tillögur en frá kjörnefnd er stjórn sjálfkjörin.

Komi fram beiðni á ársþingi/aukaársþingi um skriflega kosningu skal orðið við því. Í kjöri við skriflega kosningu eru þeir sem kjörnefnd gerði tillögu um og aðrir sem buðu sig fram eða tilnefndir voru innan þeirra tímamarka sem sett eru um framboð (10 dögum fyrir þing). Þingfulltrúar skulu þá skrifa eitt nafn á kjörseðil við kosningu formanns og fjögur nöfn við kosningu annarra stjórnarmanna. Kjörseðill er ógildur ef fleiri nöfn eru árituð en ekki ef færri nöfn koma fram. Kjörseðill er sömuleiðis ógildur ef fleiri nöfn eru frá hverju svæði en kosið er um.

Við talningu atkvæða skulu þeir tveir úr Skagafirði sem fengu flest atkvæði hljóta stjórnarsæti en einn ef formaður hefur verið kjörinn úr hópi fulltrúa þaðan. Sama gildir um þá sem flest atkvæði hlutu úr A-Hún. Í Húnabingi vestra hlýtur sá stjórnarsæti sem flest atkvæði fær enda hafi formaður ekki þegar verið kjörinn úr hópi þeirra fulltrúa. Sama regla gildir um kjör varamanna komi til skriflegrar kosningar um þá.

### 7. gr.

Á árs- og haustþingum, skal kjósa í fastar þingnefndir:

- Fjárhagsnefnd, sem fjallar um ársreikning, fjárhagsáætlunar og annað sem varðar fjármál samtakanna.
- Stjórnskipulagsnefnd, sem fjallar um samþykktir, þingskör, starfsreglur og annað sem varðar stjórnskipulag samtakanna.
- Allsherjarnefnd, sem fjallar um ályktanir ársþings og þau mál sem varða markmið og almenn verkefni samtakanna.

Auk þessara nefnda getur þingið ákveðið að setja nefndir um sérstök mál eða málauflokka til starfa á þinginu eða milli þinga.

Heimilt er að haga svo kjöri í þingnefndir að fulltrúar velji sjálfir þá nefnd sem þeir vilja starfa í. Enginn þingfulltrúi má sitja nema í einni þingnefnd.

**8. gr.**

Fulltrúar skulu tilkynna forseta skriflega þau mál er þeir óska að komi til umræðu. Máli skal vísað til nefndar eftir eðli þess. Rísi ágreiningur um til hverrar nefndar máli skuli vísað sker þingfundur úr.

**9. gr.**

Afl atkvæða ræður úrslitum mála. Séu atkvæði jöfn er mál fallið, en um kosningar ræður hlutkesti. Afgreiðsla máls telst ekki ályktun þingsins nema meira en fjórðungur kjörinna fulltrúa greiði því atkvæði.

**10. gr.**

Þegar forseti vill taka þátt í umræðu víkur hann sæti en varaforseti gegnir þá forsetastörfum.

**11. gr.**

Fulltrúar skulu taka til máls úr ræðustóli. Þó getur forseti leyft stuttar fyrirspurnir frá fulltrúa úr sæti sínu. Fulltrúar skulu beina máli sínu til forseta. Forseti skal sjá um, að fulltrúar taki til máls í réttri röð eftir því sem þeir hafa beðið um orðið. Þó getur hann vikið frá þeirri reglu við framsögumenn, formann samtakanna og framkvæmdastjóra, eða til að fulltrúi geti gert stutta athugasemd eða leiðréttingu. Enginn fulltrúi má í ræðu sinni lesa prentað mál, nema með leyfi forseta.

**12. gr.**

Enginn fulltrúi má taka oftar til máls en tvisvar sinnum við sömu umræðu í hverju máli en þó skulu flutningsmenn mála, framsögumenn meirihluta og minnihluta nefnda svo og formaður samtakanna og framkvæmdastjóri, hafa rétt til að taka oftar til máls. Forseta er heimilt að takmarka ræðutíma, ef ástæða þykir til.

**13. gr.**

Forseta er skyld að bera undir atkvæði hvort umræðu skuli hætt, ef fimm fulltrúar eða fleiri æskja þess skriflega.

**14. gr.**

Tillögur til breytinga á þingskópum skulu sendar stjórn samtakanna a.m.k. þremur vikum fyrir ársþing. Tillögur til breytinga skulu fylgja dagskrá boðaðs ársþings, sbr. grein 2.4.

Komi fram breytingartillaga á ársþingi við útsendar tillögur til breytinga á samþykktum og/eða þingskópum skal þingforseti úrskurða hvort umrædd tillaga sé viðaukatillaga við fyrirliggjandi aðaltillögu, breytingartillaga eða ný tillaga.

Viðaukatillaga telst sjálfstæð viðbót við aðaltillöguna og skal bera hana upp á eftir aðaltillögu. Áskilnaður um 2/3 hluta gildir um viðaukatillöguna enda leiðir hún til breytinga á samþykktum eða þingskópum.

Breytingartillaga er borin upp á undan aðaltillögu og gildir þar almennt að afl atkvæða ráði niðurstöðu. Breytingartillagan telst ekki sjálfstæð þar sem það er aðaltillagan svo breytt sem leiðir til breytinga á samþykktum eða þingskópum.

Komi fram ný tillaga um breytingu á samþykktum eða þingskópum þarf þingforseti að leita afbrigða til þess að hún komist á dagskrá. Tillögur um afbrigði þurfa samþykki 2/3 hluta mættra þingfulltrúa til þess að ná fram að ganga.

**15. gr.**

Breyting á þingskópum telst samþykkt ef 2/3 mættra þingfulltrúa samþykkja hana á lögmætum þingfundi.

**16. gr.**

Þingskópum þessum var breytt á ársþingi SSNV þann 5. apríl 2019 og eru svo breytt frá þeim degi.